



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1563 usque ad annum 1566

Fleury, Claude

August. Vind. [u.a.], 1772

VD18 90118626

§. 40. Lotharingii Cardinalis consilium de absolvenda Synodo.

[urn:nbn:de:hbz:466:1-67192](https://nbn-resolving.org/urn:nbn:de:hbz:466:1-67192)

Sæcul. XVI.
A. C. 1563.

qui ipsum res gestas enarrantem summa animi voluptate percepit, ratum tamen non habuit, quod Legati declarassent, se a Synodo recessuros, si Comes Lunensis absolvendæ Synodo obstacula opponere non desisteret: non enim, inquiebat Papa, decet, Concilium deserere ob privati cujusdam cavillationes: unde per responsum Victorio injunctum illos hortabatur, ut suos labores usque ad Concilii exitum strenue profecerentur.

§. XL.

Lotharingii Cardinalis consilium de absolvenda Synodo.

*Pallav. c. 2.
num. 4.
Sarp. l. c.*

Tandem Concilium absolvi ferme omnes ardentem expetebant, atque inter alios Cæsarei nomine Imperatoris id efflictim rogabant, imo non modo Hispani Præsules haud amplius obfistebant, sed etiam suis sermonibus sat aperte indicabant, quod Synodi exitum non minus avide, quam ceteri præstolarentur: in quodam insuper conventu hac super re die duodecima Novembris habito Lotharingius Cardinalis hæc proponebat: „Equidem Cæsar, „atque Rex Catholicus ab initio sese „absolvendo Concilio opponere, sed „moti validis hortationibus, evidenti- „busque necessitatibus Gallæ, quæ versa-

Sæcul. XVI.
A.C. 1563.

"versatur in discrimine secedendi, rem-
 "que per propriam nationis Synodum
 "corrumpendi, cesserunt voluntati Pon-
 "tificis tanquam filii obsequentes: ve-
 "rum ægerrime Clerus, omnesque
 "Franciæ Ordines, qui Possiacum pro
 "colloquio venerunt, retineri poterant,
 "ne aliter sibi consulere, donec Con-
 "cilium terminaretur: porro iidem res
 "Synodo adversas statuere meditan-
 "tur, imo reipsa etiam statuent, si Sy-
 "nodus ultra protraheretur: insuper si
 "Synodus longius procedet, non modo
 "spatium temporis porrigetur hæreticis
 "concionatoribus ad inferendam popu-
 "lis pravam doctrinam, eamque tam
 "alte, ut ad ipsam postmodum evellen-
 "dam satis non sint ne ipsa quidem Con-
 "cilio Decreta: nec minus Gallici etiam
 "Præsules adigentur ad discessum ante
 "Synodi finem, partim ob dispendii gra-
 "vitatem, partim ob alias privatas, pub-
 "licasque necessitates, quod a complu-
 "ribus jam peractum videtur, & brevi
 "a cunctis peragetur, si res amplius
 "protrahatur: imo ego ipse quoque
 "ab utraque necessitate ad profectionem
 "compellor, necnon ad Nativitatis Do-
 "minicæ festa in Franciam redire sta-
 "tuo: quamquam si Synodus die præ-
 "stituto erit absolvenda, Synodi Patri-
 "bus integrum erit efficere, ut mihi il-

Sæcul. XVI. "Iud procuretur solatium, quod in Fran-
 A.C. 1563. "ciam optatum de absoluto Concilio
 "nuntium mecum deferre possim.

§. XLI.

*Legatorum sollicitudo pro discutiendis
 quæstionibus.*

Pallav. n. 5. **O**mnes Patres ibidem congregati ra-
Et 6. „tionibus a Cardinale propositis ap-
 plaudebant, ac Synodum penitus ab-
 solvi petebant; obsistebant tamen
 Leridenfis, & Legionensis Episcopi,
 petentes, ut antea Regis Catholici con-
 sensus obtineretur: alii quoque prius
 adhuc quasdam agitari quæstiones po-
 stulabant, sed & hi nonnisi remissius
 id urgebant: itaque Legatorum primus
 Ecclesiasticis Oratoribus horum Patrum
 opiniones exponebat, prævalente tamen
 Cardinalis Lotharingii sententia omnes
 eo intenti erant, ut de ratione hanc
 Synodum feliciter finiendi deliberare-
 tur: quam in rem inter omnes conven-
 tum, quod oporteret operam navare
 ad stabiliendas reliquas disciplinæ leges,
 & in iis, quæ spectant ad Principum
 reformationem, suaviter procedendum:
 ideo summo opere placuit exemplum
 Decreti missum a Pontifice, in quo re-
 novabantur de his sanctiones Concilio-
 rum, Canonumque antiquorum, & ad-
 hibebantur paternæ admonitiones pro
 eo;